

**EKALESIA FAAPOTOPOTOGA KERISIANO I AMERIKA SAMOA**

**OFISA O A'OA'OGA KERISIANO**



**VASEGA MATUTUA FAAPITOA**

**FEPUARI – IUNI**

**2024**

**VASEGA: MATUTUA FAAPITOA (2024)**

<u>ASO</u>	<u>FAASOLOGA O MATAUPU</u>	<u>ITULAU</u>
1. Fepuari 04, 2024	Vaetofia mo le ‘Talalelei’, “Set apart for the gospel”.	1-2
2. Fepuari 11, 2024	O ma’a ma taulaga: ‘o a mea e fau a’i le ekalesia?’ “Stones and sacrifices: what forms a church?”	2-3
3. Fepuari 18, 2024	Na mafai e le Atua ona faaumatia tagata, “God could have destroyed humanity.”	3-4
4. Fepuari 25, 2024	MATAUPU FAAMANATU – FEPUARI.	4-5
5. Mati 03, 2024	O se ‘aai malepelepe, “A broken city.”	6-7
6. Mati 10, 2024	Ua faitau e Esera le Tulafono, “Ezra reads the law.”	7-8
7. Mati 17, 2024	E valaau e Iesu o tatou igoa i taimi o tauiviga, “Jesus calls us by name in times of struggle.”	8-9
8. Mati 24, 2024	Ua tete’e Iesu i faamoemoega a tagata lautele, “Jesus defies public expectations.”	9-10
9. Mati 31, 2024	MATAUPU FAAMANATU - MATI.	11
10. Aperila 07, 2024	O faiva o le faaleleiga, “A ministry of reconciliation.”	12-13
11. Aperila 14, 2024	Manumalō ma faafetai, “Triumphant and thankful.”	13-14
12. Aperila 21, 2024	O pese o le to’afilemū, “The songs of silence.”	14-15
13. Aperila 28, 2024	MATAUPU FAAMANATU – APERILA.	15-16
14. Me 05, 2024	Avea ma so’o, “Discipleship.”	16-17
15. Me 12, 2024	Manumalō i le faato’anofotane, “Winning a bride.”	17-18
16. Me 19, 2024	Na latou faatasi uma, “All were together.”	19
17. Me 26, 2024	MATAUPU FAAMANATU - ME	20
18. Iuni 02, 2024	Ua mamā totonu, “Inner purity.”	21
19. Iuni 09, 2024	Ala o le Atua, ala o tagata, “Ways of God, ways of <i>man</i> .”	22
20. Iuni 16, 2024	Igoa, igoa, igoa, “Names, names, names.”	23
21. Iuni 23, 2024	Tali atu i le feitaga’i, “Responding to hostility.”	24-25
22. Iuni 30, 2024	MATAUPU FAAMANATU – IUNI	25-26

MANUIA LE FONO -TELE MA LE FAIGA MALOLOGA

*Tusia: Segā Fruean Ifopō*

**FEPUARI 04, 2024**

**MATAUPU 1: “VAETOFIA MO LE TALALELEI,” (Set apart for the Gospel).**

**TUSI FAITAU: Roma 1: 1 - 7.**

**SINI: Ia mae’a le vasega ua malamalama le fanau i le valaauina ua vaetofia ai le tagata mo le tala lelei a le Atua.**

**Fesoasoani mo faiaoga:**

E mua’i tuu atu le lima o le faatalofa i faiaoga o le vasega Matutua Faapitoa i lenei fo’i tausaga faa-le a’oa’oga. Ia malo folau ma le onosa’i i le galuega. O nai faamanatu masani lava mo le fanau i a latou mea aoga e ao ona tau-aa mai i Aso Sa ta’itasi. Aua nei galo le Tusi Paia, api ma le peni ma isi mea e tatau mo le vasega Matutua Faapitoa. O ta’iala mo tusitusiga o lenei tausaga aoga a le tatou vasega; mai le Tusi Faitau Aso i le gagana Peretania (IBRA), ua taumafai e to mai ai se lesonea po o se mataupu talafeagai mo fanau. Ma le faamoemoe e fai ane le lauga o le Aso Sa ua maua se iloa o le vasega i nisi o manatu o le mataupu tofia o Aso Sa ta’itasi.

O se vaai faalemafaufau, po o lou nu’u faapitonu’u, po’o le lotu, o loo i ai sau miti, i se mea e taugatā tele. Atonu o se tafaoga i se aso malolō faapitoa, o se falesā po o se a’oga fou foi. Afai e laki e maua sina tupe fa’aaogā, e mafai ona e tu’u ese sina tupe i masina ta’itasi, ma faasolosolo sefe. E leai se mea faapitoa e uiga i lea seleni: o le tupe lava e tasi e te fa’aaluina i mea’ai. Ae ua e filifilia ma faapaiaina mo se tulaga faapitoa. E pei o le manatu lea o loo tuliloa e le aposetolo, le tāua o le vavaeeseina po o le vaetofia mo se galuega faapitoa a le Atua.

**Fesoasoani mo le Mataupu:**

O Paulo, o le auauna a Iesu Keriso, ua valaauina e fai ma aposetolo, ua tofia mo le tala lelei a le Atua... o le tala lelei i lona Alo, o Ia ua tatou maua ai le alofa tunoa ma le tofi faaaposetolo, e aumaia ai le usita’i o le faatuatua i nu’u ese uma ona o lona Suafa. O la Paulo; ‘e tofi-tutusa uma kerisiano i lo tatou valaauina e mulimulita’i i le Keriso, peita’i e ao ona tatou galulue i amio iloga faa-so’o moni, e ala i le faaaogāina o meaalofa tāua na foa’iina e le Atua mo lana fanau. Fai mai a ia; ‘ua vaetofia a’u mo le Talalelei pei ona valaauina ai i le ala i Tamaseko’. Ua mautinoa o ia ua tofia po ua filifilia mo le Talalelei a le Atua, e pei o le to’atele o nisi ua vavaeeseina mo lea faamoemoe. Peita’i, e laualuga i manatu o Paulo na vaetofia o ia e le Atua lava Ia mo se misiona faapitoa; ia avea ma ipu e momoli atu ai le talalelei i nu’uese.

**Tauloto:**

***“O Paulo, o le auauna a Iesu Keriso, na valaauina e fai ma aposetolo, ua tofia e tala’i le tala lelei a le Atua. Na Ia mua’i ta’uina mai e ana perofeta i Tusi Paia, e i ai foi outou ua valaauina e Iesu Keriso.”***

**Upu ma o latou uiga**

- faasinotonu: O le tagata po o se mea ua sa’o lona faasinoga.
- i la le Agaga: O mea tau i le Atua ma o loo atagia ai lona Agaga.

**A’oa’oga:**

- ❖ Ia faalogo ma usita’i i musumusuga a le Agaga i o tatou tagata ae a le Talalelei a le Atua.
- ❖ Ia faatāua tofiga ma galuega ua valaauina ma vavaeeseina ai mo le Talalelei.
- ❖ O le Atua e atoatoa ai faamoemoea uma mo e ua filifilia ma vaetofia mo le talalelei.

**Pese: # 247; E malie lava le Tala, le tala lelei ia Iesu, le tala i lona alofa, le Tala i lona Maliu.**

**Tatalo:** Le Alofa tunoa e, na e faia le tagata i ou foliga matagofie ma e valaauina i matou e mafuta ma mulimulita’i atu i lau Afio e faavavau. Amene.

**FEPUARI 11, 2024**

**MATAUPU 2: “MA’A MA TAULAGA,” O a mea e fau ai le ekalesia?  
(Stones and Sacrifices: what makes a church)?**

**TUSI FAITAU: 1 PETERU 2: 4 - 9.**

**SINI: Ia mae’a le mataupu ua iloa e le fanau o Iesu o le ma’a ola; e ao ona tumau ai le tagtata ma fai taulaga ai i le Atua e ala i le ekalesia.**

**Faamanatu mo faiaoga:**

O le ekalesia e lē o se falesā po o le malumalu tapua’i; a’o le faapotopotoga o tagata. O le manatu laualuga lea o le mataupu. Pe a tatou pisi i le fausia o tatou fale, pe tatou te punonou i le mamafa o le faatumauiina o se tauluga ua tutulu, pe fiafia fo’i e faaleleia le maota tapua’i. E lelei ona tatou manatua o loo i ai le fale e auauna atu i le ekalesia, ae lē o le ekalesia. Ae ui i lea, o le falesā e mafai ona avea ma faailoga mata’ina o le faatasi mai o Keriso i totonu o le lotoifale ma se faamanatu vaaia o le Atua o loo tapuaia.

O le mea lea ua avea ai ma faatusa faalenatura mo le ekalesia moni, le faapotopotoga o so’o o Iesu po o e mulimulita’i ia te Ia ma le faamaoni. E pei o isi faatusa faapena, (pei ona faatusa e Paulo i le tino), e amata i’i ma taula’i atu ia Keriso, ma aumaia i tatou i le nu’u faatasi ma Ia ma le tasi ma le isi. O Keriso o le ma’a faavae lea ua fausia ai le ekalesia, ma ua valaauina i tatou e faaa’oa’o iā te Ia. O lona uiga o le ekalesia e lē faapitoa pe faaituau i se vaega o tagata, ia pe tuli foi i ni a’oa’oga ma manatu faale-tagata. O le faapotopotoga e faatāuaina ai tagata e talitonu ma mulimulita’i ia Iesu Keriso po o le talalelei a le Atua.

**Fesoasoani mo le Mataupu:**

O le tasi lea o mataupu tele na mafua ai ona tusi Peteru mo ulua’i ekalesia i le talutalu fou o le talalelei. O le valaau ina ia malamalama le tagata lotu i mafutaga faa le ekalesia. O se faamanatu tāua; ‘ina ia o i le Alii o Ia o le ma’a ola, e ui ina tu’ulafoa’iina e tagata peita’i na filifilia ma e tāua i le silasila a le Atua. Ia avea tagata o le ekalesia ma ma’aola, ia fau pei o fale faaleagaga, e avea ma aufaigaluega paia, ma ofo atu taulaga faaleagaga e talia e le Atua e ala ia Iesu Keriso. E lē mafai e se ma’a e tasi ona fausia se fale, i le ma lea, a aveeseina o se ma’a e tasi mai se fale, e lē mautū ai le fausaga pe manunu ai fo’i le tino atoa. E faapena foi ia i tatou. E lē mafai ona avea a’u; na o a’u e fausia se ekelesia ma e lē mafai foi e se tasi o le au-lotu ona tapua’i to’atasi. Ae tofua i tatou ma se vaega tāua e fai i le faatumauiina o le atoaga o le ekalesia. E sili atu le tamaoiaiga o le faatusa pe a tatou a’oa’o e lē gata o le fausiaina o le malumalu, a’o lona anofale fo’i. E pei lava o se falesā e lē na o le fausaga, ae o se nofoaga tapua’i. Faatasi, i le fesoota’i i le tasi ma isi ia Keriso, ua avea ai i tatou ma faailoga mamana o le i ai o Iesu i totonu o tatou nu’u, ma se faamaoniaga o loo tatou tapua’ia le Atua. E avea ai i tatou ma totino o le ekalesia a le Atua, ae lē o totino o se falesā po o se isi faatusa.

**Tauloto: 1 Peteru 2: 4 - 5**

***“Ia outou o mai ia te Ia, o le ma’a ola o Ia na tuulafoa’iina e tagata, a ua filifilia e le Atua, ua tāua lava, o outou foi, ia atiina a’e outou pei o ma’a ola, o le fale faaleagaga, o le au ositaulaga paia, e avatu taulaga faaleagaga e mālīe i le Atua ona o Iesu Keriso.”***

**malamalama uiga o upu o le Tusi Faitau:**

- lafoa’iina: o se mea ua tia’i po ua tuulafoa’iina ua leai se tāua o totoe.
- tulimanu aupitoaluga: o tulimanu e fesoota’i ma loka ai faavaealuga o fale Palesetina.

**A’oa’oga:**

- ❖ O i tatou ua na o ni mea faigaluega, e faatali ma faalagolago i le Alii mo tatou ala.
- ❖ Ia sailiili le faaali mai o le agaga e tusa ai ma lona finagalo paia mo i tatou le fanau.















































10. O le a se mafuaga na tusia ai le ‘Nofoaiga Tupu’? **T:** Na tusia mo se talafaasolopito a’o tāliu le uto a le nu’u filifilia nai le tafeaga i Papelonia.
11. O le a le uiga o le mataupu; ‘tali atu i le faitaga’i’? **T:** Ia aua ne’i faaalua sou ita ae faatalitali i le mana o le Atua na te tauia le tagata ma lana.
12. O fea o le tala o loo atagia ai le vaega lea; ‘tali atu i le faitaga’i’? **T:** A lele na atagia i le mea leaga na fai e Anuni ma faalumaina avefeau a Tavita; ae le’i tauia e le tupu i le leaga.

***Ia manuia tele le faigā-suega o lenei masina.***

